

新刻陳養晦先生傷寒五法卷之三

東海石楷臨初父撰述

門人殷大

銘子文南

全閱

五法治例

咳嗽

咳嗽出於肺蓋皮毛者肺之合也因寒侵皮毛致肺咳嗽故言在表若惡寒脊強此太陽經咳嗽宜發表若脇痛往來寒熱此少陽經咳嗽宜小柴胡湯此二者皆表證也傳經裏證則無咳嗽惟直中陰經間有

咳嗽乃寒束於肺必下利清穀四肢厥逆外無表證
方是直中咳嗽急用四逆湯溫之若水停心下亦令
咳嗽必見水水氣證候法當分表裏表有水咳而發熱
用小青龍湯裏有水咳而身涼用十棗湯

咳逆

夫逆氣爲咳逆乃氣逆而不俾俗名呃逆者是也然
有數證如脉來沉細者內有寒也必見有直中寒證
用理中湯溫之若脉洪有力或便閉口渴此爲當下
若失下則濁氣不下降反逆而冲上故似咳逆非真

惡風惡寒辨
營衛之症不
若以有汗無
汗辨之更爲
的確

咳逆也宜下之若往來寒熱而有咳逆是邪將入裏裏不納邪故咳逆屬少陽經用小柴胡湯和之至於久病見咳逆者是真氣已散死證不治內經曰弦數者其聲嘶木敗者其葉落胃絕者其聲咳逆故曰死證

惡風

風寒常相因而少相離惡風未有不惡寒者蓋有寒時不皆惡風有風時不皆惡寒也

夫風邪侵於衛則惡風是太陽經傷風證宜桂枝湯蓋八方之風邪皆傷衛而不傷榮氣被邪侵則腠理開而自汗汗去則脉浮緩故用桂枝實表解肌自各

有例

惡寒

夫寒邪侵於榮則惡寒故惡寒卽是太陽經寒證宜
麻黃湯若傳經卽屬熱則無惡寒直中陰經而惡寒
急用四逆湯溫之故傳經陰證決無惡寒之理又有
經汗吐下而惡寒者正氣虛也脉必微弱宜補氣血
用真武湯亦有惡寒正表證脉當浮緊反尺寸俱微
弱者是原本氣血虛弱先用黃芪建中扶助正氣然
後發表名曰先補後攻

身體痛

夫有寒邪在表則血凝而不得周流故身痛假有熱
在內則血氣通暢豈有身痛之理故身痛卽是表證
必脈帶浮緊宜大發表凡身痛固是表證若脈反微
弱者此氣血本虛不可驟表先用黃芪建中湯補之
然後發表若傳裏證則無身痛惟直中陰經亦有身
痛但無頭痛發熱以別之輕則理中湯重則四逆湯
又陰毒身痛痛之極也則寒又甚於直中者數倍宜
急溫之以回陽氣用正陽甘草湯又有中濕身痛則

聲重鼻塞、一身盡痛、有風濕身痛、則身腫喜衣、不能轉側、此二證名曰類傷寒、故身痛不可槩治、須詳證以別之。

咽痛

夫咽者胃之路也、今咽痛知熱邪在裏、故爲裏證、然亦有數證、有陽毒咽痛、則口瘡赤爛、發狂吐血、宜陽毒升麻湯、有少陰傳經咽痛、必口燥煩渴、欲思水自救、及便閉諸證、內熱之極、必待外無一毫表證、方可用承氣湯、加甘桔下之、又有尺寸脈緊、當無汗、今反

用承氣
加甘桔
似難

汗出不止而咽痛者名曰亡陽咽痛此津液虛極而
反生熱宜用木附湯又有非時暴寒伏於少陰而有
咽痛者此寒邪內急反于於上故令咽痛必見下利
清穀四肢厥冷方用四逆湯若外無大寒證卽用桂
甘湯又不可用四逆矣

筋惕肉瞤

夫人身筋肉賴血以養之若發汗太過則液枯而血
少致筋肉空虛如魚失水故惕然動跳也急用真武
湯以生榮氣或素有動氣則不可汗若誤汗之重虛

傷寒五法
其虛亦成筋肉震惕或白朮牡蠣真武湯止之然筋
跳肉瞶固屬虛若惡寒湯中去芍藥增附子一倍及
惡熱者湯中去附子增芍藥一倍恐其太燥故耳

無汗

夫無汗正是表證寒邪侵於表則無汗蓋寒邪凝滯
則腠理閉塞而無汗宜用麻黃湯發表以開泄之使
邪去血和腠理自開通矣然無汗固屬太陽傷寒證
又有他證亦令無汗宜詳別之

自汗

夫自汗有數種大抵風傷衛則令自汗風性溫屬陽陽主動能開泄腠理故自汗必頭疼發熱方爲表證自汗宜用桂枝湯實表解肌若裏證自汗外無一毫表證乃熱邪傳裏薰蒸臟腑以致腠理開泄亦自汗宜用承氣湯下之又有風溫自汗者身多灼熱喘甚息粗者是也宜用萎蕤湯若中暑自汗則灑然毛聳六脈虛弱宜用白虎湯益元散或謾發汗而汗出不止名曰亡陽或虛汗自出而不止亦名曰亡陽通用柴胡龍骨牡蠣湯及朮附湯量證用之有柔痙自汗

則頸項強角弓反張者是也小續命湯去麻黃加桂枝又有陽明腑病內熱灼甚口渴便閉而自汗者用調胃承氣湯若直中陰經四肢厥冷汗自出者急投四逆湯以上數證宜細加詳別

口燥咽乾

夫口燥咽乾乃邪熱傳裏燒耗津液以致口燥咽乾宜以三承氣湯選用下之又有陽明腑病口咽乾燥者此陽熱內陷必背惡寒用白虎湯若少陽口燥咽乾乃邪傳半表半裏未深入腑將化爲熱今口咽微

微乾燥必見往來寒熱及少陽諸證宜用小柴胡加
天花粉若表證盡除而口燥咽乾甚者必大便閉結
內熱之極是邪傳少陰宜急下之急下完物之陽以救重邪之水以救腎經將絕之
水豈可不分表裏而混治哉

發狂

夫熱傳裏則爲陽盛陽主動動則使人發狂寒主陰
靜豈有發狂之理然發狂有三證熱邪傳裏名曰正
狂其證小便不利大便閉結口燥大渴宜大承氣湯
下之若狂而下利赤黃口渴者黃連解毒加大黃葶

藤以治之。經曰：暴注下迫，皆屬於火。又有內熱迫極，畜熱下焦，名曰如狂，非如正狂之甚。其證小便自利，大便黑色，唇口焦，水不嚥，小腹硬滿，宜用桃仁承氣之類。又有表證服藥不能汗，醫用火逼，周身取汗過急，致津液內竭而驚狂者，名曰火邪驚狂。此證屬虛，不可下。其證必汗出不止，小便必澁，或身瞶動而心煩躁，宜用柴胡、龍骨、牡蠣以收之。總之發狂實者煩躁不已，虛者真陽脫亡，則汗出不止，當量其虛實以解之。此治狂之大法也。

寒熱往來

太陰少陽

足少陽膽經乃陰陽交界之所寒邪傳至此處邪與陽爭則發寒邪與陰爭則發熱陰陽交爭故為寒熱往來正是半表半裏之證只有小柴胡一湯和解又有陽明腑病熱結在內不得通越亦有寒熱往來必大便結實用大柴胡承氣湯下之又有一種渴而不嘔兼頭汗出而寒熱往來胸滿咳嗽此用柴胡桂薑湯加天花粉若傷寒病後如瘧狀一日二三發不嘔

圖二便自調脉浮緩者乃邪退正復不藥而愈若一

陽以內表則
為寒熱往
來之症今
人頗多程
山陰以為必
與亦屬偏

傷寒玉注
日二三發又嘔二便反常脉浮者桂枝各半湯微表
之

喘

夫喘出於肺肺主皮毛邪侵皮毛令人發喘故曰在
表必有頭痛發熱惡寒之證卽用麻黃湯然有裏證
喘者何也表證盡去不惡寒反惡熱便閉潮熱此熱
結在胃不得伸達裏氣上冲故喘宜用大承氣湯下
之有太陽表證汗後渴飲水多水停心下發咳微喘
者此水氣喘也必見有表裏水氣之證若表有水小

青龍湯裏有水，十棗湯、太陽與陽明合病，胸滿而喘者，卽投麻黃湯，倍加杏子，可見喘之屬表，又何疑焉。

渴

有陽毒口渴，中暑口渴，俱用白虎湯。夫渴者，內熱也。邪熱燒耗津液，故思水以解飲，多能消者，熱深也。飲少不能消者，熱未深也。故多在裏。然表雖無渴，或間有之。若太陽而渴，邪居人身久，尺寸脈浮，表證俱在者，此太陽渴也。宜用小青龍去半夏，倍加天花粉。若小便不利而渴者，此太陽腑病，用五苓散。若自汗而

渴甚者此陽明腑病熱灼之甚胃無液潤急用白虎湯外無表證下利腸垢而渴甚者此少陰傳經裏證宜下之乃火性急速故也若少陰自利清穀而渴小便色白乃寒極而反似熱也雖渴與之水又不能下用乾薑甘草湯若汗吐下後津液內竭而渴者用小柴胡湯宜隨證以別之

霍亂

夫霍亂者吐利兼作言其揮霍撩亂也屬於熱者十常八九屬於寒者十無一二若有一毫口渴轉筋卽

是熱而非寒矣。果見四肢拘急、惡寒、口渴、下利清穀、嘔吐清沫、脈沉細遲，方是寒霍亂。卽投以理中四逆之類。若熱霍亂者，其證大渴煩躁、兩腳轉筋、尺脈沉實而強、手足雖厥尚溫、下利黃赤，用益元散、香薷飲、五苓散。又有乾嘔霍亂者，但腹痛之極，欲吐不得吐，欲瀉不得瀉，死在旦夕，急用吐法。

讖語

夫熱邪傳裏，使人讖語者，實熱也。故經言實則讖語，比狂則覺稍輕。此熱感於胃腑而然。其證便閉、口渴。

煩躁溺赤或下利腸垢惡熱之極三承氣湯選用又
畜血在內而讞語則小便自利小腹硬滿手不可近
大便黑色此血證讞語也用桃仁承氣湯若邪在表
則無讞語今三陽合病亦令人讞語是以合陽明之
腑非陽明之經故亦讞語輕則大柴胡湯重則調胃
承氣湯有因火迫急而讞語者此津液內竭火熱侵
耗之所使也則不可下用柴胡龍骨牡蠣湯

下利

夫下利邪在腸胃所致故見下利卽是裏證有傳經

下利必腸垢有直中下利必清穀腸垢者穀食腐化
知其內有熱清穀者穀不變化知其中有寒內熱者
清之下之內寒者溫之補之此治下利之大法也在
表證不當有下利三陽合病入陽明之腑者則有下
利陽明與少陽合病下利最重是木尅土也此合病
若陽明脈長者則輕爲土氣盛若少陽脈弦大兼有
下利則重乃土受木尅也故曰負負者勝負之謂也

發黃

凡當汗失汗以致熱邪傳裏薰蒸肌肉則發黃其證

小便不利宜用茵陳五苓散盛者茵陳大黃湯有瘀血證亦發黃小便自利小腹硬滿或大便黑色乃血畜於內故發黃用桃仁承氣之類有中濕發黃者則身重鼻塞身目俱黃小便不利非傷寒黃也用茵陳五苓散又有太陽表證寒邪侵於皮膚久而不散亦至發黃則身熱作痛用麻黃湯解表

發斑

夫斑者乃熱聚於上隔熾盛而成斑或當下失下以致熱留胃腑亦發斑必大便閉宜下之夫斑熱見於

外聚於隔既不可汗又不可下只可清之散之言散
漫之熱也有陽毒發斑必見吐血咽痛發黃宜升麻
湯通用紫雪散主之有溫毒發斑因冬感熱發於春
間名曰溫毒發斑其色焦用黑膏主之

痞滿

太陽傷寒表證惡寒脉浮緊宜發表醫誤下之以致
邪氣乘虛結於胸中陰寒主靜故滿而不痛名曰痞
氣必俟表證盡除而後可服瀉心湯若表未盡者宜
先解表表解方可攻痞

結胸

太陽傷風表證惡風自汗脉浮緩宜用桂枝湯實表解肌醫誤下之以致邪氣乘虛結於胸中名曰結胸結胸何以痛陽主動故不按而痛必俟表證盡除方可服陷胸湯若不先解表而誤攻之表邪必又結於胸中再投陷胸湯令元氣益虛以致不救慎之

煩躁

夫煩躁陽熱盛也煩爲內不安躁爲外不安較其輕重躁則重於煩矣有發熱頭痛惡寒而煩躁者此太

陽煩躁也。用大青龍湯。若表證盡除，不大便煩躁者，此傳經裏證煩躁也。宜下之。有直中寒極而反煩躁者，實非煩躁，欲作飲水之狀。若與之，則又不能飲矣。面帶赤色，是陽無所歸，故浮於面。必脈沉細無力，寒不宜有煩躁。今有之者，乃物極則反，名曰陰躁。急用霹靂散溫之。有汗吐下後，以致心蘊虛煩者，用酸棗湯或真武湯，此治煩躁之大法也。

嘔吐

夫嘔者，邪欲傳裏，裏不納邪，邪正分爭，則嘔吐。故一

見嘔吐卽是半表半裏證然嘔吐雖出於胃屬少陽部分小柴胡湯專主之若渴而嘔者內有熱也小柴胡湯加石膏竹葉不渴而嘔清沫者內有寒也宜理中湯重加煨薑汁

頭汗出

夫頭者諸陽之會今熱鬱於陽經不得暢越上攻於頭則汗出故頭汗多在半表半裏宜小柴胡湯有發黃而頭汗出者則小便不利小腹硬滿痛不可近或太便黑色用桃仁承氣湯有水氣在心下而頭汗者

則心下怔忡而滿或乾嘔引脇下痛此水氣頭汗出也又當分表裏有水氣治之

可水

仲景云病人思水自救爲欲愈之兆後醫見此言語凡病人欲水者卽與之盡足反致水停之病故不與則熱不解發喘而死但少少與之勿令太過無使變爲水氣小逆之病此可水之大法也凡治水氣諸病無過半夏茯苓皆行水順氣之要藥也

控涎丹亦治水氣

嗽水

夫內有熱必嗽水下嚙今欲嚙而不嚙者是裏和也
必見頭痛發熱唇焦此病在陽明經何者陽明屬土
土主肌肉唇者肌肉之本熱在肌肉薰灼則唇焦焦
則思水以潤故欲嗽而不嚙此病在陽明之經而不
在陽明腑也當主衄血蓋陽明乃氣血俱多之經今
熱在經迫血妄行故知衄血用犀角地黃或經病急
用解肌湯內加生地黃芩以除衄血若外無頭痛發
熱表證嗽水當嚙今不嚙者此瘀血在內證也用桃
仁承氣湯輕者犀角地黃湯加桃仁重在分經府

背惡寒

夫背屬陽寒屬陰今背惡寒者陰盛於陽也故爲直中然有二證若口中和是真陰盛於陽之證宜用附子湯若口中渴但背微惡寒而無他證則知內有熱乃陽氣內陷入臟致背空虛亦令惡寒宜白虎湯若不渴而和潤者又孰收用白虎湯乎

吐血

邪在表當汗失汗以致熱邪傳裏流入臟腑熱毒漬甚迫血妄行故成吐血凡見吐血卽是傳經裏證重

者桃仁承氣湯輕者犀角地黃湯加黃栢皮使血得
寒而凝熱毒遇寒而解矣醫者見傷寒吐血則曰傷
寒變成火證誤投火證之藥傳變日久令輕者成篤
困者必死戒之戒之

衄血 諸家言傷寒衄血點滴不流邪未入也
皆用麻黃湯之不可拘也惟發汗不拘麻黃也

夫傷寒則血凝滯而不行何得有衄今見衄血者是
寒邪已去血氣流通故曰欲解若滴者邪尚未盡也
再微解表若流者邪氣盡解榮血周流不藥而愈若
出不止又以止衄為上不可拘執

多眠

多眠雖有數證大抵陰盛主靜靜則使人多眠有少
陰血中純寒在內脉沉細無力致神昏而眠用四逆
湯有風溫證身熱喘息昏昏喜眠者萎蕤湯有狐惑
證四肢沉重默默喜眠但上下唇生瘡者是也用黃
連犀角湯雄黃銳散有太陽多眠者邪氣時去血氣
初復神氣稍旺脉必微浮而緩故多眠不藥而愈
不眠

不得眠雖有數證蓋陽盛主動動則使人心煩故不

眠有熱傳於裏則神氣不清躁亂不眠其證便閉口渴外無陽經表證用承氣湯若便未閉而煩躁不眠者乃熱攻上隔用蓄連鷄子湯若大汗大下則傷血致津液內竭亦令不得眠况心主血血虛則神無所依故心虛煩而不得眠用酸棗湯若口中懊懣不安者此因大下而然用梔子豆豉湯微吐之

潮熱

夫潮熱如潮汛應候不失其時是熱結在裏必大便鞭實脉必大而有力仲景云其熱不潮不可與承氣

湯故潮熱當用承氣湯大下而愈倘表證尚在又未
可下

不可汗

凡汗之爲邪在表也。不可汗者邪已入裏入腑也。宜
攻之清之。誤汗之則爲逆矣。不特裏證不可汗也。如
動氣左右上下風溫濕溫虛弱無陽尺脉遲者咽痛
閉塞咽燥亡陽衄血吐血厥渴淋閉經水適來發斑
生瘡皆不可汗。汗之諸變不可勝數可不慎哉。

汗後惡寒

傷寒五注
夫汗後陽微惡寒大便不實脉必微弱宜用芍藥甘草附子湯以助陽氣若汗後惡寒脉沉細無力四肢厥冷而身痛惡寒者乃直中之寒或下利清穀宜四逆湯溫之若已汗後而表證依前作者脉浮緊重加汗之若汗後表解而裏證見者下之若表證大汗後熱愈熾脉愈躁疾者名曰陰陽交死證不治所謂汗後不爲汗衰是也

不可下

一切在表證不可下在半表半裏證亦不可下若本

是裏證當下而脉浮者表未盡也宜先解表然後攻之若已是裏證尺脉遲弱者不可下宜先補後攻若有嘔吐惡寒無轉失氣二便如常俱爲表證皆不可下下之則爲逆矣

下後有熱

夫大下則傷血血耗則生熱用葶藶苦酒以復陰血有表未全解而反下之身尚發熱漸覺心中痛結乃邪乘虛入故用香鼓梔子湯微吐卽愈非似結胸痛之極也大抵下後便復閉者又下之下後身熱脉浮

者宜再表之隨所見證治之若便閉當下而脉虛弱無力當用蜜導法以下之恐愈傷其血也

熱多寒少

知此章用麻黃桂枝之誤

夫病在表則發熱今熱多而寒少者脉亦浮緊雖當發表不可用辛甘當用辛涼何者表證以惡寒為重而發熱次之若但熱而不寒者是邪在身體將化為熱故不可用辛甘然熱多寒少固當用辛涼發表倘尺脉來遲血弱也宜黃芪建中湯或脉來微弱者陽氣虛也宜朮附湯二者俱不可即用表藥一誤表之

必重虛其虛令病困篤服藥後為有至於表未解者然後可服表藥微發散之

乾嘔

夫嘔而無物名曰乾嘔寒在膈上胃氣凝滯令嘔吐無物故見乾嘔屬直中證若少陰下利清穀脉沉細遲無力而乾嘔者乃直中之寒在內寒氣侵胃當溫之用四逆湯加吳茱萸有少陽乾嘔者必往來寒熱及半表半裏諸證邪將入腑腑不能納邪故乾嘔用小柴胡湯重加半夏以和之又有水氣乾嘔者咳引

脇下痛其證頭汗出胸滿又當分表裏水氣治之

不得汗

本傷寒之表證惡寒無汗發熱脉浮緊當用麻黃湯

若果係陽虛津枯豈可用麻黃

發汗而解三四劑不得汗者此陽虛津枯死證不治

故云熱病脉躁疾不得汗者名曰諸陽脉極本是表

病宜汗今脉浮遲虛弱身癢如蟲行皮中此本來血

氣虛而不得汗宜黃芪建中湯或木附湯若傷寒久

病脉浮緊而肌膚燥癢不得汗者還有邪在表故燥

癢不得汗宜用桂麻各半湯再汗之二者之癢若如

癢有虛矣

蠱行皮中者屬虛宜溫宜補若燥癢而脉浮者屬實
宜表宜解此虛實之別也豈可槩以不得汗而強表
哉

頭痛

夫三陽脉上至於頭惟太陽經脉最長故痛居多三
陰經皆至項胸而還則無頭痛故一見頭痛卽是表
證不論已發汗未發汗頭痛如破者用葱白湯汗之
三陽俱有頭疼各隨經證以治之陰經旣無頭痛惟
厥陰有頭疼何也蓋厥陰與腎脉會於顛頂都攝諸

陰故有頭痛但無身熱以澀之又有中濕亦令頭疼
明鼻塞聲壅重用搐鼻散出黃水卽愈有陽明腑病
頭疼者乃邪在腑熱蒸故頭疼但不惡寒惟惡熱便
閉以別之又痰涎壅盛而疼者法宜吐之

腹脹

腹脹者屬太陰經蓋太陰經絡布於腹邪一傳之則
腹脹故腹脹爲傳經裏證便閉脈實腹堅者下之宜
大小承氣湯又有太陽病大發汗汗多傷血則津液
內竭以致中氣虛弱不能運動而腹脹者用厚樸甘

草人參湯以和之。然此證爲虛，一誤下之，重虛其虛，則危矣。如邪未結實，大下之，下後傷太陰經而成腹脹者，用梔子厚樸湯安之。

小便不利

夫熱在下焦，燒耗津液，則小便不利。然有數證，有脈尚浮發熱而小便不利者，乃太陽腑病，宜用五苓散。若表證盡除而小便不利者，此熱在下焦，令人喜飲，急用猪苓湯。若汗下後致津液內竭而小便不利者，脈必虛數，切勿利小便。宜直武湯。若用分利則愈耗。

上白胎滑心
 結胸亦其亦
 是假實舌胎
 難藏難藏結
 其具多伏真
 難藏結陰和
 日消為順尚
 可退散陽和
 見其逆不堪
 以下故為難治

津液多致不起若係發黃中濕小便不利者則以分
 利為主使濕熱隨利而減也

臟結

如結胸狀飲令如故時三下利寸脈浮關脈細沉緊名曰臍結
 古上白胎滑者非治邪結三陰名曰臍結乃下後邪氣重所致

大臍結者其人素有宿積結於臍旁通入小腹今因
 寒邪傳入於內與宿積和合致真臟之氣結而不通
 致連臍旁痛引陰筋死證不治其證狀如結胸飲食
 如故時自下利舌上白胎又無寒熱往來單作寒而
 無熱此臍結之證死不治

傷寒六經用藥法

手六經

太陽小腸 表火

少陰屬心 裏火

太陰屬肺 裏金

陽明

屬大腸 表金

厥陰屬心包絡 表火

少陽屬三焦 裏火

足六經

太陽屬膀胱 表水

少陰屬腎 裏水

太陰屬脾 裏土

陽

明屬胃 表土

少陽屬膽 表木

厥陰屬肝 裏木

太陽傷風桂枝湯春加黃芩夏加白虎

太陽傷寒麻黃湯春加黃芩夏加白虎

太陽腑病五苓散

太陽煩躁大青龍湯

太陽陽明合病太陽證多者麻黃葛根湯

太陽少陽合病少陽證多者小柴胡湯加麻黃

陽明經病者葛根解肌湯兼升麻葛根湯惡寒加麻

黃

陽明腑病自汗口渴大便如常者白虎湯

陽明腑病兼有表證大便閉者大柴胡湯下之便閉

甚讖語者調胃承氣湯下之

陽明太陽合病陽明證多者或自利葛根湯

陽明少陽合病陽明證多者解肌湯內加白芍黃芩
便閉譫語者大柴胡湯

少陽半表半裏此經禁汗吐下三法止有小柴胡湯
一方和解誤用他藥變爲壞病然有不可拘者如
少陽證惡寒小柴胡加麻黃

少陽證便閉者小柴胡加大黃

少陽證胸前脹滿者未經汗吐下者止是半表半裏
之證小柴胡加桔梗枳殼如未效對小陷胸湯合
服

少陽證煩而不嘔去半夏人參加括萎仁

少陽證渴者小柴胡加麥冬去半夏

辨六經有表當汗有裏當下論

足太陽經傷寒頭疼發熱惡寒項脊強腰痛無汗宜

麻黃湯汗之此太陽經之表證也如發熱而渴小便

赤者是太陽經邪自入於膀胱腑此太陽經之裏證

也宜五苓散治之即太陽經下藥也

足陽明經傷寒頭痛日痛鼻乾無汗宜葛根升麻湯

汗之此足陽明經表證也如大汗嘔渴煩躁潮熱手

營衛俱有

表裏衛分

之志本湯經

也而重如

膀胱府名

足心汗脉長此足陽明經裏證也宜大小調胃承氣湯下之即陽明經下藥也

足少陽經傷寒原係半表半裏證加發熱耳聾脇痛口苦往來寒熱宜小柴胡湯和之如八九日胸滿驚狂煩躁譫語一身盡痛者此少陽經裏證也宜小柴胡加龍骨牡蠣湯治之此足少陽經裏藥也

足太陰經傷寒腹滿脉浮此足太陰經之表證也宜桂枝湯汗之如腹痛脉沉此足太陰經之裏證也宜桂枝加芍藥湯和之痛甚者桂枝湯去芍藥加大黃

與前陰經不
下論參看

傷寒五法
湯下之，卽太陰經裏藥也。

足少陰經傷寒，發熱微惡寒，脈沉，此足少陰經之表證也。宜麻黃附子細辛湯汗之，此足少陰經表藥也。如口燥咽乾者，此足少陰經之裏證，宜大承氣湯下之，卽少陰經裏藥也。

足厥陰經傷寒，寒熱如瘧，脈浮而二，此爲欲愈，宜桂枝麻黃各半湯治之，此厥陰經表藥也。如煩滿舌卷囊縮耳聾，大承氣湯下之，此厥陰經之裏藥也。

五法方藥總論

余於傷寒設立五法以發仲景之秘而五法之中又設爲問難五十三條雖傷寒變化莫測無能外此問答矣問有疑難及世之未聞者卽著論以明之務使人人可曉目之曰傷寒五法或雜證有言之未盡者俱莫能逃乎表裏於是將表裏二字詮諸證中自頭至尾真實到底而法歸於一旣已立證法而一證必有一方古方難用於今余將分兩較其輕重藥味酌其多寡以五法立五門方藥使便於用而不亂卽一藥而曰味屬某氣屬某藥以治病必明氣味或丸或

散或湯無不當其用夫丸者緩也用以去久病及下
焦病也散者散也用以去急病及上膈病也湯者蕩
也用以滌蕩邪氣則皮毛頭足莫不皆到去新久病
者皆用之何謂氣味夫氣無形也味有形也氣象天
輕清上浮所以至皮膚肌表也味象地重濁有形所
以歸腸胃六腑也蓋寒熱溫涼卽藥之氣酸苦鹹淡
卽藥之味內經云清之清者發腠理清之濁者實四
肢濁之濁者歸六腑濁之清者走五臟夫清之清者
卽陽中之陽何以發腠理人身內爲陰外爲陽腠理

在外以陽從陽也。清之濁者，卽陽中之陰。何以入四肢，人身四肢爲諸陽之本。然雖屬陽，又土寄於四季，土屬陰，則四肢亦不得爲純陽矣。今藥非純陽，則不能發腠理，是以陽中之陰者，惟實四肢而已。蓋濁之濁者，卽陰中之陰。何以歸六腑，卽以大黃論之。大黃陰中陰也，必由胃而至小腸，由小腸而傳至大腸，以大腸傳送糟粕爲陰中之陰。是以陰從陰也。夫濁之清者，卽陰中之陽。何以走五臟，五臟者滿而不能實，非藥之糟粕能到。今走五臟，乃藥之清氣，非糟粕也。

是以陰中之陽走五臟總而言之曰發曰實曰歸曰走將此四字平時打點純熟自然貫通內經曰味厚爲陰薄爲陰中之陽氣厚爲陽薄爲陽中之陰味厚則泄薄則通氣厚則發泄薄則發熱故陰味出下竅陽氣出上竅此言味有質故下流於便泄之竅氣無形故上出於呼吸之門又味有五辛能散酸能收鹹能軟苦能瀉甘能緩氣亦有五寒助陰熱助陽溫養中涼降熱平和順是五味五氣之所宜也藥有四用氣味性能也寒熱溫涼藥之氣酸苦鹹淡藥之味升

降浮沉藥之性宜通補瀉藥之能治病者不識氣味
不明四用則陰陽不分內外不辨一槩混治非徒無
益而又害之今余將方藥依五法例分爲五門辨明
氣味因證而投於學者不無少補云

發表門

桂枝湯 治太陽傷風脉浮緩自汗手足溫頭痛發
熱惡風微煩內無裏證方用此湯倘一服證止卽停
後服服後病不退仍如前者再進不妨一日三四進
至愈方已若一服卽煩躁不安卽住不服詳審證候

另改湯藥

以後服藥俱如此法
古方難用今加減之

桂枝

味辛氣熱
入分

赤芍

味酸苦氣微
寒生用一錢

防風

味微甘氣溫
入分

羌活

味辛氣溫
入分

白朮

味甘氣溫土
炒五分止汗

黃芩

味苦氣寒
入分去微

順

生薑

味辛氣熱
一錢入分

大棗

味甘氣平
五枚

甘草

味甘氣平
八分

水三盞煎至二盞分兩次服先服一盞少頃又進病

愈則止不愈再煎服若春末夏初天氣溫暖要用

此湯宜倍加黃芩夏至後天氣炎熱加知母一錢石膏

二錢五分

冬時傷風燥盛者亦加石膏

二錢五分

若傷風喘甚

者本方加杏仁十五枚

傷風鼻流清涕而嚏者本方加

乾葛一錢五分

發汗太過致汗出不止者名曰漏風及

風溫身痛者本方去黃芩加熟附子

一錢五分

太陽表

證醫誤下早致脇熱下利不止心下痞及表尚未解

本方去羌活加入參

八分

白朮

一錢

柔瘞口渴及口眼

歪斜本方去羌活加天花粉

一錢

乾葛

一錢五分

腹痛而

脉浮者是表未盡又兼有裏本方倍加芍藥痛甚者

加大黃

二錢

太陽傷寒惡寒發熱脉微弱者則不可

用麻黃湯本方加麻黃

三分

石膏

一錢五分

若醫用火

劫致驚狂躁煩者本方去芍藥加牡蠣

一錢五分

龍骨末

錢 歌曰 桂枝羌芍防 苓朮甘棗薑

麻黃湯 治太陽傷寒 脉浮緊 無汗 頭疼 身痛 發熱

惡寒 項脊強 發喘 咳嗽 氣麤 鼻塞 二便如常 內無裏

證 是太陽正表證 方可用此湯 若有汗 兼表證者 乃

太陽傷風 表證 誤用此藥 令人亡陽 世醫常用 乾葛

白芷 升麻 柴胡 爲發表之藥 若兼陽明少陽證 候此

數藥 方可用 倘無二經病 是邪在正表 誤用之 以引

諸邪入二經 是經本無病 醫用此藥 以引邪入也 若

一經已有病 證在外者 用之 解表 不妨 古方難用 今

加減之

麻黃

味辛氣熱
去節二錢

桂枝

味辛氣熱
一錢二分

甘草

味甘氣平
一錢

羌活

味辛氣溫
一錢

陳皮

味辛氣溫
一錢

細辛

味辛氣溫
七分

蘼蕪

味甘氣平
五分

川芎

味辛氣溫
五分

豆豉

味甘氣平
三錢

杏仁

味甘苦氣平

溫十五枚瀉肺
肺主皮毛故用

用薑葱為引水三盞煎二盞先服

其一少頃又進至渾身微汗病愈方止若服二三劑

汗不出者死證也春初夏前天氣已煖本方加黃

茶

錢二
夏至後本方加知母

錢一

石膏

錢二

正表而

渴甚者本方加天花粉

錢一
五分

口渴甚是剛瘧本方

加芍藥一錢五分乾葛一錢

太陽表證已汗後而喘者本

方加杏仁三十枚石膏二錢

風溫一身盡痛者本方去

桂枝豆豉加薏仁二錢

咳嗽甚者本方加五味子七分

歌曰麻黃羌桂杏蘓芩陳草辛豉共薑葱

溫熱發表湯 治春溫夏熱乃冬時受寒發於春夏

亦頭痛發熱身脊俱痛六脉浮洪口渴溺赤但不似

冬時惡寒耳冬天感寒因天氣熱觸發受邪已久自

內之外故用乾葛柴胡以解肌表知母生地以清蘊

然用此湯代麻黃湯則不峻利過傷元氣倘惡寒甚

用加減正麻黃湯

乾葛 味甘辛氣 溫平二錢
知母 味甘苦氣涼 一錢五分
生地 味甘氣 寒一錢

五 蘓葉 味辛氣 溫一錢
柴胡 味辛苦氣微 寒一錢五分
白芍 味酸 氣涼

平二 甘草 味甘氣 平八分
細辛 味辛氣 熱五分
黃芩 味苦氣 寒一錢

分二 淡豆豉 味甘氣 平二錢
薑葱為引水三盞煎二盞分

二次服病愈乃止不愈再進 若表證有微寒者本

方去白芍加麻黃八分 口渴甚者加石膏二錢 溺赤

有表證甚者加猪苓一錢二分 喘咳甚者加杏

仁十五枚 五味子五分 自汗兼表證甚者本方去細辛

加防風八分桂枝八分身痛者去白芍加羌活一分

頭痛甚者加川芎一錢五分歌曰發表柴芩知地葛蘓

草辛豉薑葱芍

感冒疎邪湯 治春夏秋感冒非時小寒其證鼻塞

清涕微惡寒發熱身脊俱痛頭痛尺寸脉浮及冬時

感輕傷寒或老弱久病虛怯傷寒者及婦人產後胎

前皆用之

桔梗 味苦氣寒瀉肺一錢五分羌活 味辛苦氣溫平二錢蘓葉 味辛氣溫八分

陳皮 味辛氣溫一錢防風 味微甘氣溫一錢黃芩 味苦氣寒一錢前

胡味苦辛氣溫一錢 細辛味辛氣熱五分 甘草味甘氣溫八分 川芎味辛

氣熱八分 豆豉味甘氣溫二錢 右薑葱為引水三盞煎二盞

分二次服日三四進以愈為度空天久雨多濕者本

方加蒼朮二錢 老人虛弱者加人參一錢 口渴甚者加

天花粉一錢五分 麥冬一錢 喘咳甚者加杏仁十五枚 五味

子五分 胸膈滿悶者加枳殼一錢五分 孕婦本方加白

朮一錢 秦艽八分 當歸八分 乃孕婦解表之藥也 產後感冒者加紅

花七分 砂仁五分 產後感冒口渴甚者加麥冬七分 乾葛

錢一 產後內傷飲食外感冒者加神曲一錢 歌曰疎

表細防芩蘓芩廿鼓陳前羗桔葱

疫癘解表湯

桔梗

味苦氣寒一錢五分提肺

升麻

味甘辛氣微寒一錢二分

防風

味甘氣微

溫二錢

梔仁

味苦氣寒一錢

柴胡

味辛苦氣微寒一錢二分

黃連

味苦氣寒一錢

牛蒡子

味苦辛氣寒一錢解毒

蘓葉

味甘辛氣溫八分

粉甘草

味甘氣溫一錢五分解毒

右薑葱為引水煎如前

如

陽明部位腫毒者本方加石膏

一倍加升麻

少

陽部位腫毒者加青皮

一倍加柴胡

太陽部

位腫痛者加藁木

一錢五分羌活

頭上腫甚者加甘

草二錢 桔梗二錢 喉閉腫甚者加藁本一錢五分 射干一錢

口渴甚者加知母一錢五分 天花粉一錢五分 目赤上焦甚

者加大黃一錢 倍甘草二錢 咳嗽甚者加杏仁十五枚 倍

桔梗二錢 身痛甚者加羌活二錢 獨活一錢 歌曰解表

甘桔 蕪柴 防 勞 連 升 梔 葱 與 薑

解肌門

升麻葛根湯 治陽明經病乃邪在肌肉未入胃麻

切不可攻裏用此解肌比發表又輕其脉尺寸俱長

其證唇焦漱水不能嚥目痛鼻乾亦頭疼發熱但不

惡寒耳內無便閉切勿用大柴胡湯若不分經腑一

槩混用枉死多矣

升麻 味甘辛氣微寒一錢五分

乾葛 味甘氣溫平一錢五分解肌熱

赤芍 味酸

氣寒一錢五分

甘草 味甘氣溫八分

黃芩 味苦氣寒一錢五分

知母 味甘

苦氣涼一錢二分

生地 味甘氣寒一錢二分

白芷 味辛氣溫一錢

桂枝

味辛氣溫三分

生薑 味辛氣熱一錢五分

大棗 味甘氣溫五枚

右水煎

如前服

若微惡寒者本方加麻黃一錢五分

無汗而

口渴者加石膏

二錢 倍知母一錢五分

身痛甚者加羌活

二錢

此經有衄血者倍生地

二錢

陽明證咳嗽者加

杏仁十枚

麻黃一錢

歌曰升麻葛根赤芍地甘芷苓

知薑棗桂

葛根知母湯

治陽明經病有口渴者其證無汗口

渴亦頭疼發熱若有汗而渴方用白虎湯今無汗而渴是表尚多故用此湯內有知母以解煩渴也

乾葛四錢

知母二錢二分

升麻一錢五分

黃芩一錢五分

赤

芍一錢五分

甘草一錢

右葱薑為引水煎服如前

微

惡寒者本方加桂枝一錢

頭痛甚者加川芎一錢

口

渴甚者加天花粉一錢五分

身痛甚者加羌活一錢五分

錢

煩躁甚者加竹茹一如棊子大見少陽脇痛者加

柴胡一錢五分歌曰葛根知母與升麻甘草黃芩共赤

芍

白虎湯 治陽明腑病但邪尚淺未深入腑亦兼肌

表故用此湯解肌表兼本腑證候其證惡熱自汗口

渴能消水亦頭疼發熱但表證無惡寒裏證又無便

閉必要有自汗口渴方可用

石膏四錢知母二錢麥冬一錢五分甘草八分黃芩一錢

二粳米一撮乾葛一錢五分橘紅一錢五分水煎服如

前 渴甚者本方加人參一錢五分 發斑者本方去乾

葛加升麻一錢五分 人參一錢 濕温加蒼朮二錢 陽明自

汗渴而嘔者加薑汁半小鍾 煩躁甚者加淡竹葉

五錢 歌曰白虎后膏知母冬草芩橘葛粳米中

和解門

小柴胡湯 治邪在半表半裏蓋少陽膽經諸湯皆

不可用只有此湯若誤用他藥即變為壞病倘少陽

證候醫誤用他藥未變為壞病者仍與此湯半表裏

證其脉尺寸俱弦其證往來寒熱嘔吐脇痛耳聾口

苦胸滿盜汗頭汗出目眩心煩口渴頭痛發熱但見表裏證熱即用此湯

柴胡二錢 黃芩一錢五分 人參一錢五分 甘草一分 半

夏一錢 橘皮一錢 芍藥一錢 生薑一錢五分 大棗五枚

水煎服如前 若寒熱往來寒少熱多者本方加黃

芩一錢 胸前脹滿者加枳殼一錢五分 如再不效本方對

小陷胸湯 惡寒加麻黃一錢 煩而渴者去半夏加

竹茹五分 胸中煩而不嘔者去半夏人參加括篋

實一錢 渴者去半夏倍人參二錢 天花粉二錢 腹滿者

去黃芩加芍藥錢二

脇下痞硬者去大棗加牡蠣錢二

心下悸及小便不利者去黃芩加茯苓錢一猪苓錢一

不渴外發熱甚者錢一是表尚多去人參加桂枝錢一温錢一

服取汗咳者去人參大棗生薑加五味子錢一乾薑錢一

少陽與陽明合病陽明病多者加葛根錢二婦

人熱入血室加紅花錢一赤芍錢一歌曰小柴胡芩人

參草橘半芍藥共薑棗

攻裏門

承氣湯 治傷寒傳經裏證其脉尺寸俱沉而有力

其證潮熱惡寒、便閉、掌心腋下、有汗、咽燥、口乾、自汗、小便多者、轉失氣、或下利赤黃、兼譫語發狂、或小腹硬滿、外無表證、如有一毫頭痛發熱、即是在表、切不可用此湯、必先解表、後服此藥、然用大承氣湯、必待痞滿燥實四字俱全、方可、然枳實厚樸瀉上焦、大黃瀉中焦、燥而實者、又不可少此、

大黃

四錢

枳實

二錢

厚樸

一錢五分

甘草

八分

白芍

二錢

柴胡

一錢

豬苓

一錢

黃芩

一錢五分

水煎服如前以利

為度、不利再進、若用大黃多寡、看人之虛實、小腹

腹滿下燥實者本方加芒硝二錢 中焦脹滿而實者

倍甘草一錢五分 厚樸二錢 表急尚有微表者加柴胡二錢

乾葛一錢五分 小便短赤加赤茯苓一錢五分 久病大虛弱者加

孕婦本方加白朮一錢五分 當歸一錢五分 產後加紅花一錢 桃

人參一錢五分 以助藥力實者勿用 歌曰大承黃厚柴苓實甘芍芩煎

仁一錢 砂仁末五分 除裏急

除裏急

大柴胡湯 治陽明腑病外尚有表故用此湯通解

表裏其脉尺寸俱長而洪其證口渴發熱頭痛惡熱

甚揭去衣被煩躁大便閉結譫語但不惡寒耳聾不分陽明在經在腑槩用大柴胡湯以致為痞為結多矣

柴胡二錢 黃芩一錢五分 芍藥一錢五分 半夏一錢二分 枳實

一錢五分 大黃一錢 乾葛一錢五分 大棗五枚 生薑二錢五分

水煎服如前以利為度 口渴甚者加天花粉二錢

表證多者加桂枝一錢 小便赤者加豬苓一錢 中

焦滿盛者加厚樸一錢五分 上部熱甚者加黃連一錢

若表病久弱要下者用此湯則不傷胃氣 歌曰

柴乾葛枳黃芩半夏棗薑共將軍

桃仁承氣湯 治發狂血結於下焦其證小腹硬小

便自利唇焦嗽水不欲嚥身黃令人昏冒譫語如發

狂狀但不似發狂之甚耳 吐血芒者亦用此湯破

之亦必待表證盡除設狂證而有惡寒者切不可用

必先以解表投之

桃仁二十枚 桂枝八分 芒硝一錢 甘草一錢 紅花八分

大黃二錢 枳實一錢五分 赤芍一錢五分 歸尾一錢五分 水

煎服如前以下盡黑物為度 若發潮熱者本方加

柴胡一錢五分 桂枝一錢五分 吐血甚者加黃連一錢 黃芩

一錢五分 衄血甚加炒梔仁一錢 倍甘草一錢五分 甚

下焦硬痛之極加水蛭七隻 蠱蟲八分 身黃極而如狂

者加茵陳一錢五分 歌曰桃仁赤芍桂芒硝將車歸枳

草紅花

救裏門

四逆湯 治直中陰經純寒證其脉尺寸俱沉細或

吐蛔身痛如被杖惡寒更甚但不頭痛發熱耳

大附子火炮去皮 臍三錢 炙甘草一錢五分 黑乾薑二錢 肉

桂八分

白朮一錢五分
土炒

五味子一錢

人參一錢五分

橘

皮一錢五分

麥冬一錢五分

陳細茶七分

水煎服如前以

手足溫和陽回為度不愈再進若一服反煩躁不安

即停後服

有發熱無頭痛者本方加麻黃一錢五分葱

白三莖

此證兩手無脉者本方加猪膽汁半盃童便

半盃倍五味子麥冬各二錢

上嘔吐清沫甚者加吳

茱萸一錢五分半夏一錢五分

身痛甚者加羌活一錢五分

陰

盛陽竭者加茶及麥冬人參各三錢

太陽證得少陰

脉沉細無力者加麻黃一錢五分桂枝一錢

歌曰四逆參

傷寒五法
附木薑桂橘麥草茶併五味

真武湯 治汗吐下太過致傷津液及風溫與直中

輕者皆用之其脉尺寸俱虛其證但肉瞤動心悸小

便難或惡寒身痛或振動不眠者

白茯苓

錢二

熟附子

錢二

五味子

錢五分

芍藥

錢一

麥冬

錢一分五分

棗仁

錢一分五分

生薑

錢一分五分

白朮

錢一

歸

身錢一

熟地

錢一

水煎服如前

若動氣驚悸本方

去白朮倍麥冬棗仁各

錢二

發熱加柴胡

錢五分

麻

如蛛絲加猪膽汁半盞

吐下後胸前虛痞者去地

黃加黃芪 一錢五分

歌曰真武木附芍棗仁味麥歸地

薑茯苓

麻黃附子細辛湯

治少陰直中兼有發熱乃表裏

有寒故用以發散溫中也其脈尺寸俱沉細無力其

證發熱無頭痛不渴惡寒或下利清穀即是兩感證

麻黃 二錢

細辛 一錢五分

附子 火炮去

炙甘草 二錢

陳皮 一錢五分

炮薑 一錢

陳細茶 五分

葱 五莖

水煎服

取微汗愈為度不愈再進

若微發熱是表尚淺本

方去細辛加甘草 二錢

兩感有寒頭痛者加桂枝 一錢

川芎八分 豚伏者加麥冬五味各二錢猪膽汁五匙

歌曰脉黃細辛附子湯橘草茶葱并乾薑

理中甘草乾薑湯 治太陰直中寒邪及直中陰經

寒輕者其脉尺寸俱沉而無力其證手足微温自利

清穀不渴外無頭痛發熱或四肢清冷或嘔吐清涎

此湯比四逆輕五倍也

乾薑炮二錢 甘草炙一錢五分 白朮一錢五分 當歸一錢五分

人參一錢 陳皮一錢五分 肉桂八分 白茯苓一錢五分 水

煎服如前 若寒邪甚者本方加附子二錢 若動氣

者去白朮加芍藥一錢五分因白朮能閉結氣故也嘔

者去白朮加半夏生薑各一錢五分胸前痞滿及寒實

結胸者加枳實二錢歌曰理中甘草乾薑湯陳桂參

苓白朮當

霹靂散 治陰盛格陽即陰盛極而陽暴絕名曰純

陰無陽其脈沉而細疾無力其證上下身冰冷或冷

汗出而反煩躁不得眠身上毫無陽氣故用此湯謂

之霹靂者言峻利也古方只用附子一味

大附子火炮去皮 黑乾薑二錢 人參二錢 陳皮一錢

五
分
肉桂八分
陳茶八分
葱白十莖
水煎服待涼進

一鍾少頃又進服後大睡身煖汗出爲度不愈再進

歌曰霹靂人參薑附子桂茶橘葱無敵此

隨證應用雜方

大青龍湯 治太陽寒證無汗惡寒反得傷風浮緩

脉而煩躁者方用此湯無煩躁者本方去石膏卽桂

麻各半湯

麻黃二錢 桂枝八分 甘草八分 杏仁十五枚 芍藥一錢

陳皮二錢 生薑一錢 大棗五枚 石膏一錢 黃芩二錢

水煎如前取微汗汗出多者温粉撲之一服得汗即止不汗再進若此證不煩躁者去石膏

小青龍湯

治太陽表不解兼有嘔及表有水氣乾

嘔發熱而咳或嘈喘皆宜此湯

麻黃

錢二

芍藥

錢二

細辛

分五

乾薑

分八

甘草

分八

五味子

分五

桂枝

分八

半夏

錢二

陳皮

分八

枳殼

分七

水煎服如前

若太陽表不解而渴者本方去半夏

加天花粉

錢一

表有水氣而下利者加桃仁

錢一

若

太陽已汗後而喘者去麻黃加杏仁

十五枚

表有水

水寒相搏而噎者加附子

一分錢五分

大陷胸湯

治大結胸不按而痛名曰大結胸因表

證誤下之以致如是其脉寸浮關結其證胸前不按

而痛然必表證盡除方用此湯倘表未解必先解表

若再誤下必至不救

此藥太峻不可輕用

大黃

四錢

芒硝

二錢五分

甘遂末

二錢二分

枳實

一錢五分

甘草

一錢

柴胡

一錢

半夏

一錢

桔梗

一錢五分

大棗

五枚

水煎服以利為度

小陷胸湯

治按而後痛名曰小結胸古方三味今

平和宜服

黃連

一錢五分

半夏

一錢

枳實

一錢五分

桔梗

一錢五分

甘

草

八分

柴胡

一錢五分

貝母

八分

黃芩

八分

乾薑

五分

括蕒仁

一錢二分

水煎服

瀉心湯

治痞滿按之不痛名曰痞因邪在表下之

太早故成此證待表證盡除方用此湯倘表未解宜

先解表然後服此

甘草

一錢五分

半夏

一錢

黃芩

錢

乾薑

七分

枳實

一錢

五分 桔梗

一錢二分

柴胡

八分

黃連

五分

貝母

一錢

大

棗五枚

水三盞煎棗半每服半盞徐徐嚥下以胸寬

和為度不愈再進若心下痞而惡寒者去甘草加

大黃

一錢五分

附子

一錢

若心下痞腹中雷鳴者去甘草

加生薑

二錢

十棗湯治裏有水氣其證乾嘔脇痛心下滿咳引

脇下痛身涼不發熱古方只三味

芫花

三分

大戟

三分

甘遂

二分

陳皮

二分

白茯苓

一錢

二分

半夏

一錢

乾薑

五分

大棗

十枚

水盞半煎八分

先服四分停半日又進若下後病不除者明日又進

以胸中和快為度後進糜粥

三黃石膏湯

治傳經裏證而尚有表其脉兩寸俱

浮洪有力其證口渴發狂煩躁惡寒熱發斑便閉兼有發熱是表未盡解故用麻黃豆豉以解表大黃石膏以攻裏是表裏兩解之藥也

大黃

三錢

黃芩

一錢五分

黃柏

一錢五分

麻黃

二錢

石膏

二錢五分

豆豉

三錢

乾葛

一錢五分

甘草

八分

水煎服如

前

葛根葱白湯

治頭痛甚不拘已汗未汗還用解表

葛根 一錢二分 羌活 一錢二分 生薑 一錢五分 甘草 一錢 葱

白芍藥 一錢五分 知母 一錢二分 川芎 一錢二分 膏木

一錢二分 水煎服如前

梔子豆豉湯 治懊憹因邪在肌肉醫誤下早而然

其證心不舒暢煩亂不安用此吐之不吐亦可若吐

下後心中不安者亦用此湯

梔仁 二錢 枳殼 一錢五分 桔梗 一錢五分 乾薑 一錢二分 麥

冬 一錢五分 柴胡 一錢 豆豉 三錢 水三盞煎二盞一起

服之如欲吐以指探之即吐得快乃止不愈再服不

吐亦可

茵陳五苓散

治頭汗發黃因當汗失汗以致成黃

其證小便不利身目俱黃明如橘皮此湯利去似黑

皂莢得愈

茵陳

三錢

桂枝

五錢

猪苓

一錢五分

茯苓

一錢五分

白朮

五分

澤瀉

一錢

梔仁

一錢二分

水煎服如前

黃盛加

大黃

二錢

猪苓湯

治熱在下焦如便不和乃傳經裏證外無

表邪可用此湯乃攻小便之聖藥譬如大承氣湯一

樣若汗吐下後及自汗甚而小便不利者切不可用

猪苓 二錢

茯苓 二錢

澤瀉 一錢五分

滑石 一錢

阿膠

一錢二分

柴胡 一錢

梔仁 一錢五分

水煎服如前以小便

利為度不利再進

五苓散 治太陽腑病小便不利者外純是太陽表

證小便不利切不可用猪苓湯當用此湯通解表

猪苓 一錢五分

桂枝 一錢

茯苓 一錢二分

白朮 五分

乾葛

一錢五分

澤瀉 八分

蘓葉 七分

梔仁 八分

甘草 五分

水

煎服以利為度

陽毒升麻湯 治陽毒熱深其脉兩手浮洪有九其

證發狂發斑咽痛吐血或小便赤黃或下利罵詈不

避親疎狂呼亂走以此證不可下者蓋陽毒乃散漫

之火焰燎無處不到故不可攻惟此湯升提散之寒

涼降之

升麻七錢 射干一錢 黃連二錢 黃芩二錢 犀角

一錢 甘草五分 青黛一錢 玄參一錢 人參五分

牛蒡子一錢 水三盞煎二盞每服半盞

陰毒甘草湯 治陰毒寒證其脉六部沉細而疾其

證身如被杖冷汗自出踈卧惡寒唇青指甲青舌卷
囊縮急用此湯不能服者用葱熨臍法急治之

甘草 炙八分

升麻 七分

當歸 一錢

桂枝 八分

人參 一錢

乾薑 七分

鱉甲 醋炙一錢

川椒 一錢五分

附子 火炮去皮臍一錢五分

分 水三盞煎盞半每服半盞如人行五里許再進

一服再行五里許又進温服取微汗未汗再服

百合知母湯 治百合病其證欲行不行欲坐不坐

似食不食如寒覺無寒如熱覺無熱故名百合用此

湯取其和合百脉也

知母 三錢

百合 四錢

生地汁 一盞

柴胡 一錢五分

黃連

一錢五分

甘草 五分

乾薑 三錢

麥冬 一錢五分

水煎服如

前

黃芪建中湯

治邪在表脉遲不能作汗用此先補

後攻或汗後身痛脉弱者皆用此湯

黃芪 一錢二分

一錢二分

桂枝 一錢

一錢

白芍 一錢五分

一錢五分

當歸 一錢

一錢

蘓葉

一錢五分

甘草 七分

七分

白朮 五分

五分

生薑 一錢五分

一錢五分

大棗 五枚

五枚

水煎服後脉復表在者還宜解表

柴胡龍骨牡蠣湯

治煩躁起臥不安及身盡痛用

此湯驚狂則不可下常用此收澁火邪

柴胡 二錢

桂枝 七分

人參 七分

黃芩 一錢

當歸 八分

黃連 七分

茯苓 一錢

半夏 五分

大黃 一錢

牡蠣 一錢二分

生薑 八分

大棗 三枚

水煎服如前

小續命湯 治剛柔二瘳及脚氣其證角弓反張口

眼歪斜亦頭痛發熱無汗為剛瘳有汗為柔瘳

甘草 一錢

麻黃 一錢

防風 七分

羌活 一錢二分

芍藥 七分

杏仁 十五枚

黃芩 五分

蒼朮 七分

桂枝 五分

水煎服

如前 柔瘳自汗者本方去麻黃倍桂枝 一錢 剛瘳

無汗去白朮倍麻黃

一分錢五分

寒虛者加人參

一分錢生附

子一分錢

腳氣熱證加附子

一分錢

生薑汁

三匙

消斑青黛飲

治赤斑在上隔乃散漫之熱故不可

下只宜清散此陶節菴方

汗下不解足冷耳聾煩悶咳嘔關前陽脉洪大便是

發斑之候

青黛

一分錢二分

升麻

一分錢

柴胡

一分錢

玄參

一分錢五分

梔仁

一分錢五分

黃連

一分錢五分

人參

一分錢

石膏

一分錢

生地

一分錢二分

牛蒡子

一分錢二分

甘草

八分

水煎服如前斑盛者加黑

犀角

犀角地黃湯 治衄血甚及脉微者

犀角 一錢五分 芍藥 一錢二分 生地 一錢 梔仁 一錢五分 紅

花 八分 當歸 一錢二分 藕節 一錢二分 甘草 八分 牡丹皮

一錢七分 桔梗 一錢 水煎服如常

菱蕤湯 治風温灼熱者 叢汗已身灼熱者乃為風温風温為病脉陰陽俱浮

菱蕤 去油一錢二分 石膏 二錢 麻黃 八分 羌活 一錢二分 知

母 一錢五分 乾葛 一錢五分 川芎 五分 杏仁 一錢五分 水煎

服

金沸草湯 治表證咳嗽胸膈有痰者

前胡三分

甘草五分

荆芥穗一分

赤茯苓八分

半

夏八分

細辛三分

旋覆花一分

薑棗引水煎服

酸棗湯

治汗吐下後津液內竭心蘊虛煩不得眠

及心動悸而肉瞶筋惕此湯能安神養血

酸棗仁二錢

甘草八分

知母一分

麥冬一分

熟

地八分

歸身一分

茯苓一分

川芎五分

乾薑三分

水煎服

虛弱者本方加入參一分

柴胡鱉甲湯

治傷寒或一月半月不瘥諸藥不效

名壞證及汗吐下後血氣大虛寒熱往來如瘧皆用

此湯

鱉甲

醋炙 一錢

升麻

八分

前胡

一錢五分

烏梅

三枚

生地

一錢五分

麥冬

一錢

甘草

五分

水煎服如前

旋覆代赭湯

治汗吐下後心下痞而噫不息者

旋覆花

二錢

人參

一錢

代赭石

一錢五分

甘草

八分

半

夏

八分

陳皮

一錢

白朮

六分

枳實

七分

生薑

一錢五分

大棗

五枚

水煎服

炙草湯

一名復脈湯

治傷寒脈結代心動悸或汗吐下

後而成此證宜用此湯

甘草 一錢

人參 八分

生地 八分

歸身 二錢

棗仁

一錢

五味子 三分

阿膠 八分

麥冬 一錢五分

麻仁 一錢

大棗 五枚

桂枝 一錢二分

生薑 一錢五分

葱二莖水三鍾

煎鍾半每服半鍾

芍藥附子甘草湯

治汗吐下後惡寒者乃血氣大

虛

芍藥 二錢

附子 一錢五分

甘草 一錢

桂枝 八分

生地

一錢五分

乾薑 二分

水二鍾煎八分頓服

枳實神曲湯

治食復發熱病已愈因過食致傷胃

故發熱

枳實

錢二

梔仁

錢一五分

神曲

錢一五分

乾薑

分五

柴胡

一錢五分

豆豉

錢二

山楂

錢一五分

厚樸

分八

甘草

分七

水煎服如常

若食後瀉者本方加猪苓

錢一分二分

防風

分八

食後腹脹者加大黃

錢二以利為度

溫經麥冬散

治傷寒後勞復發熱者言病已愈因

勞動筋骨故發熱用此湯

麥冬

錢二

甘草

錢一五分

歸身

錢一分二分

梔仁

分七

柴

胡

錢一分

枳殼

分八

陳皮

分七

芍藥

分八

水煎服

知母麻黃湯 治傷寒後邪留在心胞絡病已差又

惡寒發熱昏冒不知人事喜睡或獨語一二句或寒

熱如瘧狀此皆醫者發表未透致留邪心胞絡故用

此湯

知母 二錢五分

麻黃 錢五分

甘草 八分

芍藥 一錢

黃芩

一錢二分

黃連 一錢

獨活 七分

桂枝 五分

水二鍾煎一

鍾頓服微汗為度不愈再進 渴甚本方加天花粉

錢

牛蒡根湯

治手足攣搐因發汗時臥處不周密致

風邪從汗孔入故有此證

牛蒡根

二錢五分

牛膝

一錢二分

南星

一錢五分

防風

八分

甘草

七分

芍藥

一錢二分

水酒各一

盞煎一

盞頓服微

汗為度不愈再進

澤瀉牡蠣湯

治病瘥後從腰以下有水氣浮腫者

牡蠣

二錢

澤瀉

八分

商陸

五分

白茯苓

一錢二分

半夏

猪苓

七分

葶藶

五分

乾薑

三分

天花粉

一錢

木

瓜

八分

水煎服如常

黃連解毒湯

治病已愈因酒劇致錯語呻吟不得

眠或大熱而嘔皆用此湯

黃連一錢五分 黃芩八分 乾薑二錢 陳皮八分 知母一錢

梔仁一錢五分 水煎服如常

補中益氣湯 治勞力感寒者其脉尺寸浮而無力

其證手足酸軟掌心熱鼻息和言語先重而後輕

亦頭痛發熱惡寒切不可認作正傷寒用麻黃湯則

重虛其虛矣當用此湯內經曰勞者溫之此之謂也

今將補中益氣湯加疎散之藥則內傷外感兩得之

矣

人參 一錢五分

當歸 八分

升麻 五分

柴胡 一錢

細辛 五分

白朮 五分

黃芪 一錢五分

蘓葉 七分

陳皮 八分

甘草 七分

薑棗引水煎服微汗為度

導痰湯 治痰涎眩暈亦頭痛發熱惡寒但胸滿口

吐涎沫脉來滑疾是也或傷寒胸中有痰涎亦可用

白朮 一錢二分

茯苓 一錢

枳實 一錢

桔梗 一錢二分

半夏

一錢五分

黃連 一錢二分

甘草 八分

南星 一錢

黃芩 八分

括蕒仁 去油八分

薑引水煎服如常

發熱甚者本方

加蘓葉 八分 柴胡 一錢

黑膏 治溫毒時氣發斑如錦紋者

生地黃兩四 淡豆豉升半 右二味以猪脂一觔合煎

之至濃汁入雄黃分五 麝香分一 攪勻丸如彈子大白湯

化下未効再服

雄黃銳散 治下部蠱瘡

雄黃 苦參 青箱子 黃連各半兩 桃仁去皮尖二錢五

分 右為散以生艾搗汁為丸如棗核大綿裹納下

部匾竹葉汁更佳冬月無艾只用散裹納亦得臨初日

一二方前論中及之原本失載
檢王守泰傷寒準繩本補入

物類彙編

卷三